

365/2
ATESO
Paper 2
2024
2½ hours



UGANDA NATIONAL EXAMINATIONS BOARD

Uganda Certificate of Education

ATESO

Apapula Naiyareit

Aisiom, Aituurian ka Einono

Isaawan Iyarei ka Atutubet

AICORAKINETA:

*Ejatatar apapula na ka atutubena **auni**; **A**, **B** keda **C**.*

*Kobongonok aingiseta nuka atutubet **A** ka **B** kere.*

*Kotoma atutubet **C**, koseu **adiopet**; 3(a) **arai** 3 (b).*

*Kobongonok aingiseta **auni** bon kotoma apapula kana.*

*Mam ebeit aikwet aingiseta nu edeparitos **auni**.*

Kiwadik aibongonikineta kon apapula na iyinakino jo.

ATUTUBET A AISIOM

1. *Kosiom aiwadikaet nako kwap kosodi abongonokin aingiseta nu etupakinete.*

Arai Aboloi adekis na adoketai na iuniet. Kominasi itunga kere luka atutubet ka icaaloi lu koidunyet. Eleleba ikee adekis na ido oraasi amokolia nu aminakit aswam kec ido kiswamaete kotoma apak.

Araasi nu kere nu eswamasi kotoma apakio nu araar emuron Okwakol lo engarenikit adekis kwape apolokiniton emukia ka adekis. Mam isio apotu kajenutu ajokus ke emuron Okwakol kitoni ne ejularere ngesi aswam adekis acie. Koponi do ijulunai emuron ecie lo enyarita, Ebajut.

Kotoma apak na alomara Ebajut oyapesi, abu ber kotamakite aswam iboro kwape ajatatar sek ejai Okwakol. Akaulo na ilapio ikanyare bon. korokiaros akiro. Ameetos ikee amamus kadekis, eiswamae da mam arai lo ajokuna ido mam amokolia apodokitos bobo adekak. Kobu emuron Ebajut kopuko eke eiduka lo ikee lo da erisi ngesi ikee lu kadekis, ido karai kipudakin itunganan agangat kotoma kadekis, ejukario ngesi oiduka ke Ebajut loda alwanikina mot kojai osenta. Mam emuron Ebajut edila koyapesi ke ido karai ekotokin abunere adekis, adiluni ekesaje aiwadikaikin ekiror oitaabo obongori agwelanar ikee ke oiduka ke kitoni bobo apak acie. Abu na kijaik amokolia da ageun aswam iboro ka aijalijala. Eyapenenete nu ipu adolun aswam ido arai kiyapata da, mam bobo apote aswam nu ibecokina, ido konyoununete da sek eroko esaawa lo inyeikinet aswam kedolo. Acie apote sek kosodete aswam kwape kalo apolon kec.

Apotu kitaanyutu adekak ican aikuny okokoro adaun apak na epol. Aticepak angetakinet kobongorete adekak mam edumunitos amukian naarai mam amokolia adis nu ainakina aswam apedorete amukian enaba loka adekak lu ebukunos. Ido karai epas kesi, kogeunete adedenginikin adekak. Aminasi akesakwa adainikin anyunyura kec ne ejaasi angor nu epotiete nu da apote aimat ekia.

Ejautene lo adekis kere arai lo anyunyura, ecelet ka aijer akonye. Ne do aroniar akere, nesi ebe mam adekak adumununete amukian na itekoro na lem adumununete kesi sek ejai Okwakol, kwape araar adekis na apugan, edila adekak alosenene komam itingitos ikapun naarai ecanasi. Adekak idis kesi alosenete oiduka lo ikee lo Ebajut ido etacaci kes ikapun lu ipu kanu adumun amukian. Ekaulo, aponi kongicunai ebe ikee lu ajaasi oiduka ke Ebajut kere araasi lu apugan lu da abeit ajaut adekis naka Aboloi.

Amokolia da acie etarasanarete ikee lu adekis ne ejaasi idukai kec lu ikee lu apukonoritos kesi da. Ajeni Ebajut nu konye mam ngesi apedori aitobwoun kesi naarai eswamai ngesi da ngupengun.

Kotoma apak na atupakini apotu iboro da bobo icie luka adekis kogeutu awolionor idiope diope kwape nat acuuman nu enwakere adekak, nu ewanyanarere angor nu epotiete ka acie da. Agangat na adumunenei adekis

kane ejaasi imusugun da mam ajena ne etorene kitoni adolokin adoketait na aitub akipi nu apaipo ka akim da na ekipiei kotoma adekis.

Abu emuron Ebajut kijulana eswamak lu ka adekis lu eboitos adaun apak kosodi aburonokin kesi kede ipajan ke. Anyoun kane ejai edarak erute kitoni opibiro araasi ipajan ke Ebajut. Ejenereta da abu kowolio adekis kodumakinete oreke Ebajut ekaulo. Apotu itunga konyunyurikinos naarai atamitos kesi aibeliar Ebajut ne ejai eyaitone kodistrikta konye asubit bala adaunit Ebajut aitanyam kesi ibore. Apolouke amamei ibore eswamainikino ekesa je cut.

Ibore yen abu do konye kitakadik itunga kakere nesi ne atwakiaratar adekak iare aijar kes. Adiope arai aberu na akoto aidoun konye amameete amokolia nu apedorete aingarakin aberu ngin. Adekan yen iyareit ngesi ikoku yen adeka eimidi yen kobu kotwana naarai amameete ikee kadekis. Abu na kijaik itunga lu katutubet aidiya kingarenikite apolon ecolong ekansulo losodit. Nen konye kicimunere emuron Ebajut.

Aingiseta:

- (a) Kotupite nu ejaasi aiwadikaet, anu atiokisio kopotu kolomutu kanu eswamae ke emuron Ebajut?
- (b) Kitetemik apapero kon apolou na akirot “aibeliar” kwape kitaswamatere kotoma aiwadikaet.
- (c) Kirereo ijo nu eswamai Ebajut, nu inyoika edolit itunga luka atutubet kus aswam kanu aisac ecamusana?
- (d) Karai orai ijo iburokini emuron Ebajut kwape apolokiniton adekis, kowaitin alu ti ipedoria ijo aitemokin eswamae kadekis kangin?

ATUTUBET B

AITUURIAN

2. *Kosiom akiro nu kokwap kosodi abongokin kwape icorakitere.*

Eministre loka Apuganasia nuko odistrikita ngesi imanmani ainapeta ka aswamisinei nuka apuganasia nuko odistrkita tetere ejaun aimonikina ka agangat na epedori ayaun apol ka akerianut ne ejaasi itunga lu okwap. Kotoma oijaanakine loka apugan kana okwap, ecaalo nesi enyaeritai Ekansulo losodit loka ateker. Imoriarit adoketait na ikalia nepetai akais akany toni akais akany kaarei. Iswamaete ekansulo losodit loka ateker ka imeeban iwongon arai ikany lu ingarakitos ngesi aitolot ainapeta nu kapugan k’ocaalo ke.

Kotupakini adoketait naka ‘ekansulo loka iyareit’. Enyaritai na, erony kotoma adoketait kana, ejai bobo aseun ekomiti lo erai akec aswam aramunun itunga atutubet aswam ipeleik lu egelegela. Kilema Ekansulo loka iyareit, ejai ejakait ece lo erai eswaman apugan lo ingarakit kotoma

akiro nuka apirianut. Iunikini, ejai adoketai naka Etem. Ironyia lu iyatakina kes edukunete Etem. Ejai apolon lo iuniet loka ateker ka ikansilan ke. Esubit ekomiti loka ekansulo lo iuniet loka ateker bala airabet neda ejai eraban ka atupiton ke. Eraasi ikansilan itunga lu eseunitai kotoma ngol eitela kanu abwoikite itunga. Ejaasi eswamak apugan da okansulo lu epolokitos angaleu, apolokitok asioman kotoma oigo lo epol, enyaritai adoketai na kwape edivision.

Ekomiiti loka ekansulo lokiuniet lu elomunitos kotemwan kesi esekunete kokiding kec, ekansulo lo awongonet ka itunga lu iswamaete ka kes. Ekomiiti lo emameotor keda apedorosio nuipu, kilema kotoma ominisipaliti neda epolor kesi aswam.

Kotoma ainapeta nu etiakunere idistrikitan, erai tii ibukui ka edio munisipaliti kesi imorikikinio adukun edistrikita. Konye do kwape kwana, ejaasi idistrikitan lu edukunitai kotoma ebuku ediopet bon. Ecaaman ekansulo loikanyet ngesi eseuna loka itunga lo epolokit edistrkita. Iswamai ngesi ka ikansilan lu eseunitai kotoma otemwan abwoikit itunga kec, keda eswamak apugan lu epolokitos akiro kwape nat nuka asioman, angaleu, akoru ka acie da kodistrikita. Toma okansulo lo Otem. ekansulo ngesi inyabukai aomisio ka aseun nu ibusakinit aswam ka aingicun ikisila icie lu ipudai kodistrikita.

Ece engarenon lo epol noi odistrikita ngesi apolokiniton ajakanuto. Ake aswam ngesi aimanimani aswam ka eswamak apugan kere odistrikita. Erai Apolokiniton Ajakanuto lo ijukuni apugan naka okiding. Akiro nu ikamanara eitoswamae loka apiyai kere kodistrikita, ngesi imanmani.

Engarenon bobo ecie kodistrikita ngesi ejakait lo ebwoikit epuresident kodistrikita lo enyaritai kalongwau ebe RDC. Lo nges lo epolokit akiro kere nuka ayuwara ko distrikit

Okaru kalo 2019 ajaasi idistrikitan 135 Uganda. Ibore yen epol yen einakit idistrikan lu etiakunio ngesi na ebe akot aisukunyuun aijaanakin ne ejaasi itunga lu okwap.

AINGISET

Irai ijo esisian lo atukot na iwongonet. Kotoma atutubet kon, inyaraar ijo aicor itunga luka atutubet kon aswamisinei nuka ekansulo lo osodit toni lo ikanyet

Kotoma akiro 90 toni 100, kiwadik aswamisinei nu engelegela nuitolosete engarenok kodistrikt.

ATUTUBET C

EINONO

Komisiik akiro nu etupakinitos kodoco kosodi abongokin aingiset na etupakinit.

3. (a) Kotoma oinono loka Iteso, erai emanyit ibore yeni ejokuna naarai ingarakini itungan adukun ekale ka aitanyanyaar ateker. Kotoma atukot kus, kisisiau ijo ebe aker asioman adiope korekec alosit eirumane ka etungan ece.

Kitetem ainapeta nu ibusakinit aitup itolosio edukone kotoma oinono loka Iteso.

Arai

- (b) Okello ka tataake kesi iboinikinos ngin ibong aitatam awaragasia nuka einono keda apeleikineta kec. Irai ijo esisian loka atukot naka iwongonet, kiwadik awaragasia atomon ka apeleikineta kec.

365/2
ATESO
Paper 2
2024



UGANDA NATIONAL EXAMINATIONS BOARD

Uganda Certificate of Education

ATESO

Apapula Naiyareit

Aisiom, Aituurian ka Einono

SCORING GUIDE

ATUTUBET A:

AISIOM.

Aingiset (a)

- Ikee amamun adekis
- Amokolia aijalijala kotoma aswam kec.
- Adekak mam adumunun amukean na itekoro.
- Iboro lu adekis awolionor
- Adekak atwakare.

Aingiset (b)

'Alimor akiro nu arokok nu lem iswamai itunganan'

Aingiset (c)

- Atupit isawan luka iswam
- Ayongit ka aitopolorit etunganene.
- Aitopolorit aijanakin itunga itia ikapun.
- Acakar akoko icuuman / itaswamaet luko adekis.
- Aijal aisud aijulujul eswamak lu adekis.
- Aisac aikor aswamisinei kotupite epejanane.

Aingiset (d)

- Aicorakin eswamak luka adekis adolun aswam kotoma apak ka anyoun kedol esaawa.
- Aicorakin isilikaarei awanyanar itunga lu elomete kalu elomarete kinga naka erute/egeit/ekek.
- Aitolomikin eswamak luka ayuwara kanu aidar adekis.
- Aicorakin eswamak aijaikit adekak agangat ka aibuses.
- Aanyun ebe ejaas ikee adekis apakio kere.
- Aiyatakit aiswamanar ka luka ojokotau kanu aiyatakin adumun agangat kec.
- Aiswamanar ka ateker tetere adekasinei ace iriebokino. Atacenon iropito luka eswamak kotoma apak.

Nucoitono

Ingisit asiom na okufu esisian apedor aitodun apirianuto nuta kotoma (a) - (d);

Amisikin, aijaikin aomisio kec, keda aitoswam apirianut na adumu nges. Kotoma awaragat aitemonokina atiokisio/ainingosia nu elomunete atutubet ke.

ATUTUBET B:

AITUURIAN.

Aingiset na 2.

Aswamisinei nu egelegela nuka ekansulo.

- Ingarakit kotoma aitolot ainapeta nuk apugan k'ocaalo ke.
- Aramunun itunga luka atutubet aswam ipeleik lu egelegela.
- Ingarakit kotoma akiro nu apirianut.
- Aidar ayuwara.
- Aidar aila ka angaleu.
- Amamus akoko kotoma atutubet.
- Asioman naka idwe.
- Akoru ka aidar inyamat.
- Aisinyikokin itunga aitac isolosonei.
- Aimaniman aswam naka ekeswamak luka apugan kodistrikit kojai apuponoro.
- Abwoikite eswamak lu apugan ko distrikta.
- Inyabukaete aomisio kwape airabet k' odistrikta.
- Igirunete ikisila luko kwap.
- Inyabukaete ebajet kodistrikta.
- Ekorokorete ikapun lo ebajet.
- Aigangit ainapeta nuk'apugan.

Nucoitono

Erai abongokinet na aanyunet kanu ebeit esisian aiwadik ikamanar keda aingiset kitoswamai aibungena.

ATUTUBET C: EINONO.

Aingiset na 3 (a).

- Aingic iponesio luka apese arai luka etelepat/esapat.
- Angicun ebe emamei epajane.
- Aisimaar ere loka esapat.
- Igimor akukuranut ka apese.
- Apese alemun ainakinet komeesa.
- Abilakin etelepat/esapat.
- Aicak erit.
- Eitane.
- Einyamane.
- Aisirereng ateran.
- Atwario amugolen.

Nucoitono

Ekoto esisian kopedorite aiwadik ainapeta nu etupitai itolosio edukone kotoma oinono loka Iteso nuda ebeit kojaas toma aibungena.

Aingiset na 3(b)

Awaragasia atomon ka apeleikinet ke

- Ibokor iyarei kes eyarete elacit – apeleikinet ebe ekot itunga aimor aswam nepepe.
- Mam acelanar kware ijaari acudan eporoto. Tetera mam idwe ecelanakinete itunga isawan kalu iyengeata.
- Man idwe aibobon orot ebe itupite apuru ipieri akim. Tetera idwe mam ibobonete orot ne itoritos itunga.
- Odiopie kopirot ibwalit akopirot adiope – alosikinet – tetera idwe isisiaunete adumun ipapero lu iswamaete ka kesi.
- Mam idwe aite amujal naka aberu ebe emudukanaros – tetera mam idwe eminakit aite amujalal naka angor karai ilajaros aibo.
- Ebela lo elwana mam eyari emun – apeleikinet – ebe eidunyet kon nges ingarakini kotoma ationis.
- Amorosit mam ebili akoit. Tetera mam idwe eyangarete arai apupun erono karai emoromor kesi idio itunganan kwape mam amorosit itipipilia.
- Anyait adiope eketar okay, mam ekayi eisi. Apeleikinet – karai elemar itunganan idiope atukot mam atukot ibiror. Erai na tetera iswamaete kagongong kanuka ajokis naka atukot.

- Ikoni nges ikutuni ibore akongu. Apeleikinet – erai aiticat eidicane arai aswamanara kokiding otunga kotoma aimor atiokisio.
- Adolo abong na kolo ayarere omugur. Apeleikinet tetere itunga/ idwe elosete ore eroko akwap ecai.

SAMPLE

365/1
ATESO
Paper 1
2024
2 hours



UGANDA NATIONAL EXAMINATIONS BOARD

Uganda Certificate of Education

ATESO

Apapula Nasodit
Aiwadik ka Aijul

Isaawan Iyarei

AICORAKINETA:

*Ejatatar apapula na ka atutubena **aarei**; **A** keda **B**.*

*Koseu Aingiset adiope kotoma atutubet **A**; 1(a) **arai** 1(b).*

*Kobongok aingiset na atutubet **B**.*

*Kobongonok aingiseta **aarei** bon kotoma apapula ka na.*

*Mam ebeit aikwet aingiseta nu edeparitos **aarei**.*

Kiwadik aibongonikineta kon apapula na iyinakino jo.

ATUTUBET A

(Aiwadik)

Kotoma atutubet kana, koseu (a) arai (b). Mam iswamai kere.

Koseu

1. (a) *Obongok aingiset na.*

Erai Odongo akorion lo ejenara noi ka atutubet kon. Ejabatatar ngesi keda alupok nuipu noi ido kokorie iraan lu egelegela. Konye kedol aisak edit duc nges aimedaun.

Kwape apolokiniton akiro nu akoru kotem kon, kiwadik aicorakineta nu ibus Odongo aitup tetere ikeuni isakan ke. Kitaswamai akiro **350** toni **400**.

Arai

- (b) *Obongok aingiset na.*

Etapit duc ikalia lu ipu aiboinikin aitetem akiro nu ikamanara ka ingungeta luka alupok. Kadiope apaaran, abu ekale kus da kojaunos ka engunget ido opotu auriak kus kitojokaasi aiworoun aurianet. Kwape ikoku yen ecobe, apotu itunga kere kitojokata ijo araun egirigiran.

Kigiru akiro nu opotu kolomutu kotoma aurianet kangin. Kitaswamai akiro **150** toni **200**.

ARAI

ATUTUBET B

aijul

2. *Kosiom einer lo kokwap kosodi abongokin aingiset na etupakini:*

Kotoma airiamun naka auriak kosomero kus kanu aitemitem akiro nu ikapun lu ebeit aiyatakin, ejaasi auriak lumam ejenete Amusugun nuitaswamai apolon esomero kotoma oiner ke. Kwape idiopet kotoma engarenok lu esisiak, kingarak auriak lu amisiikin kodoco nu inera.

Warm greetings to everyone gathered here. My name is Apolot Abigail, the Headteacher of this mighty school. I want to take this opportunity to thank each of you for attending this meeting.

Ladies and gentlemen, allow me report to you that our school is among the best schools in the district. We are really working hard to make it the best in the entire region. Our bigger dream is however, to make it the best in the country; but not without your support.

Our dear parents, the Board of Governors of this school sat and suggested some increase in our school fees. Previously, we have been paying Shs100,000, we have now added Shs20,000 to make it Shs120,000. I know it is bad news but this helps us to adjust to the current worsening economic situation as we strive to provide with the best education for your child.

Thank you for listening.

SAMPLE PAPER

365/1
ATESO
Paper 1
2024



UGANDA NATIONAL EXAMINATIONS BOARD

Uganda Certificate of Education

ATESO

Apapula Nasodit
Aiwadik ka Aijul

SCORING GUIDE

ATUTUBET A:

1.

(a) **Apesikinet:** (04)

- Ekot akou kitoduunite ebe arai aicorakineta kesi ejaasi aiwadikaet.
- Ekot kojai ageunet naka aiwadikaet.
- Ekot kojai esusut lo itetemi aicorakineta.
- Ekot kojai angetakinet.

Esusut - (08)

Ekot aiwadikaet kitoduunite iwaitin lu epedoria Odongo aitojokaar akoru ke kanu aikeun isakan ke.

Kwape nat:

- Ainyalinyal ikorion
- Aitaswam eboliya ka ikee
- Aikut / aisik
- Aijulujul ikorion
- Aicokicok
- Ailaanakin ikorion
- Aicap kotoma apak
- Aira kotoma apak

Angajep: (08)

- Ewadikae loka akiro
- Apakio nuka aiwadik. Ekot korai na itodunit apak na atubor.
- Iwanyuneta luka aiwadik.
- Adesiarit akiro.

Nucoitono:

Ekot awaragat kiwadikaete koipone kalo ibecokina aiwadik awaragat kotoma aibungena.

(b)

Apesikinet:

(04)

- Akou naka akirot
- Imeeban lu ajaasi
- Ainapeta nu ka aurianet
- Abiluneta nuka ainapeta
- Agolokin.

Esusut:

(08)

- Ekot kitodiarite aiwadikaet na akiro nu itatamitai kotoma aurianet.
- Ekot kitacaunite eipone bo etemonokinere akiro nuka engunget.
- Ekot kitodiarite angetakinet.

Angajep:

(08)

- Ewadikae loka akiro
- Apakio nuka aiwadik. Ekot korai na itodunit apak na atubor.
- Iwanyuneta luka aiwadik.
- Adesiarit akiro.

Nucoitono: *Ekot akiro nu itatamitai kotoma aurianet kiwadikaete koipone kalo ibecokina aiwadik kotoma aibungen.*

ATUTUBET B: AIJUL

2.

Nu epeleikitai kotoma aiwadikaet

(06)

- Aibunget 1 - Ayogan ka aijaun auriak aurianet.
- Aibunget 2 - Eswamae loka esomero kotoma kodistrikt keda ailip agangat.
- Aibunget 3 - Apeleikineta nuka ayatakin ikapun.

Akiro nu ibecokina

(02)

- Mighty - Lo ti lo.
- Best - Lo itelekarit kakere.
- Our Bigger dream - Amuno wok na polon/Aitapoet wok napolon.

- Board of Governors - Eyaitene loka esomero/Engarenok luka Esomero.
- Economic Situation - agwalanar ka akerianut.
- Strive - aipec /aikura/aswam agogong.

Ainapinap aomisio nu elelete

(02).

Eipone lo:

Eyogat eong yesi kere lu itukokina aurianet na. Ekakiror nesi Apolot Abigail apolokiniton esomero lo ti lo. Akoto ayangaar arerengu na aisyalamikin kangin idiope ka yesi kanu ajaikin aurianet na.

Ijaka ka ajaka kocamakisi eong aitijenikin yesi ebe erai esomero wok ediope kangul lu ejokuka noi kotoma odistrikta wok. Kitamit bobo keda agogong kere aanyun ebe eraun esomero loosodit katutubet kere. Kimunokina da bobo aitaraun nesi lo ejok kakere ari wok: konye mam ipedori nu kere arai emamei agangat kus.

Auriak kosi luminan, kobu atukot na ipugat eswamae lo esomero kalo kiboikin kosodi aitojokaar aomisiot na aiyatakin ikapun lu esomero. Kokau kitaci lem oni isirigin 100,000. Kiyataki kwana isio isirigin 20,000 kanu aitodolikin adolere isirigin 120,000. Ajeni eong ebe mam akiro nu ejijim konye ingarakini na oni adolokin adoketait na epedoria aupakin ka ejautene lo agwelanar ka akerianut lo iyasi amunar kwape kwana; Kautasi da aanyun ebe idumakini ikoku kon asioman na itekooro.

Eyalama eong yesi apupokin eong.

Nucoitono:

Elosi esisian aijul aiwadikaet kitodunite aomisio nu iwadikatai kuju kotoma Ateso kotupite aibungena nuijaikitai aiwadikaet.